

**KREDIT-MODUL TIZIMINING ASOSIY VAZIFALARI**

R.Joldasbaeva- Qoraqalpoq davlat universiteti o'qituvchisi

Bazarbaev A, Kadirbergenov E, Muratbaev R-

Geografiya fakulteti 1 kurs talabalari

Tayanch so'zlar : kredit-modul tizimi, tyutor, kredit-soat, edvayzer, fasilitator, mentor

Ключевые слова: кредитно-модульная система, репетитор, кредит-час, консультант, фасилитатор, наставник

Key words: credit-module system, tutor, credit-hour, advisor, facilitator, mentor

O'zbekiston Respublikasi Vazirlar Mahakamasining 2020-yil 31-dekabrdagi „Oliy ta'lim muassasalarida ta'lim jarayonlarini tashkil etish bilan bog'liq tizimni takomillashtirish chora-tadbirlari to'g'risida“gi qarori asosida „Oliy ta'lim muassasalarida o'quv jarayoniga kredit-modul tizimini joriy etish tartibi to'g'risida“ NIZOM tasdiqlangan. Kredit ilk marotaba XVIII va XIX asrlarda AqSh universitetlarida joriy etilgan bo'lib, o'quv jarayonlarini liberalizatsiya qilish, talabaning haftalik akademik yuklamasini belgilab berish maqsadida yaratilgan. 1869-yilda Garvard universiteti prezidenti, Amerika ta'limining taniqli arbobi Charlz Uilyam Eliot „kredit soati“ tushunchasini iste'molga kiritadi. Shunday qilib, 1870 – 1880-yillarda kredit soatlari bilan o'lchanadigan tizim joriy qilinadi. Kredit tizimi bilan o'qish va o'quv dasturlarini o'zlashtirish talabalarga o'quv jarayonini mustaqil ravishda rejalashtirish, uning sifatini nazorat qilish, ta'lim texnologiyalarini takomillashtirish uchun imkoniyat yaratib berdi [1].

Kredit to'plash o'lchovining kiritilishi talabaga katta erkinlik berish bilan bir qatorda, kelajakda tanlagan sohasining raqobatbardosh mutaxassisi bo'lib yetishishi uchun akademik jarayonni mustaqil rejalashtirish imkonini ham taqdim etdi. Ayni chog'da, baholash tizimi va ta'lim texnologiyalarining takomillashishiga ham olib



keldi. Bolonya deklaratsiyasida koʻzda tutilganidek, kredit-modul tizimi aynan - mustaqil taʼlimga urgʻu qaratgani holda, asosan, ikkita funktsiyani bajarishga xizmat qiladi: birinchisi,

talabalar va oʻqituvchilarning mobilligini, yaʼni bir oliy taʼlim muassasasidan boshqa OTMga toʻsiqlarsiz, erkin ravishda oʻtishini (oʻqishni yoki ishni koʻchirish)ni taʼminlaydi;

ikkinchisi, talabaning tanlagan taʼlim yoʻnalishi yoki mutaxassisligi boʻyicha barcha oʻquv va ilmiy faoliyati uchun akademik yuklama – kredit aniq hisoblab boriladi. Kredit yigʻindisi talabaning tanlagan dasturi boʻyicha nimani qancha oʻzlashtirganligini namoyon etadi [2].

Kredit-modul tizimining asosiy vazifalari sifatida quyidagilar eʼtirof etiladi:

- oʻquv jarayonlarini modul asosida tashkil qilish;
- bitta fan, kurs (kredit)ning qiymatini aniqlash;
- talabalar bilimni reyting bali asosida baholash;
- talabalarga oʻzlarining oʻquv rejalarini individual tarzda tuzishlariga imkon yaratish;
- taʼlim jarayonida mustaqil taʼlim olishning ulushini oshirish;
- taʼlim dasturlarining qulayligi va mehnat bozorida mutaxassisga qoʻyilgan talabdan kelib chiqib oʻzgartirish mumkinligi

Kredit - modul tizimi – mustaqil taʼlim olishga qaratilgan va individuallik asosida bilimni ijodiy oʻzlashtirish, oʻquv jarayonini qatʼiy belgilangan holda taʼlim yoʻlini tanlash va kredit holida bilim hajmini belgilovchi tizimdir. Bu tizim hozirgi kunda rivojlangan mamlakatlar taʼlim tizimida umumiy yoʻlga qoʻyilgan, vaqt sinovlarida oʻzini yetarlicha oqlagan va bir biridan farq qiluvchi, lekin bir – birini oʻzaro toʻldiruvchi ikkita – modul va kredit oʻqitish texnologiyalarini birlashishidan hosil boʻlgan. Modul – alohida oʻquv fani (yoki uning qismi) boʻlib, oʻzida tegishli



bilim hamda kasbiy jihatlariga doir ma'lumotlarni qamrab oladi [3]. O'qitishning modul tizimi talabaning fan dasturini o'rganishi natijasida shakllanadigan bilim, ko'nikma va malakalarni nazorat qilishning tegishli turi bilan yakunlanadi. Masalan, talabalarning bilim saviyasi va o'zlashtirish darajasining davlat ta'lim standartlariga muvofiqligini ta'minlash uchun joriy, oraliq va yakuniy nazorat turlari o'tkaziladi. Modulli o'qitish – tartibli o'qitish demakdir. Bunda o'quv materiali bitta o'quv mashg'uloti hajmida, o'quv predmetining biror mavzusi yoki biror bo'limi darajasida, ba'zan esa o'quv fanining yirik tarkibiy qismida, ya'ni, bloklar tarzida ham o'qitish mumkin, deydi Toshkent davlat yuridik universitetining o'quv uslubiy boshqarma boshlig'i Ixtiyor Jo'rayev. – Modullar, birinchi navbatda, ta'lim mazmuniga daxldor tushunchalar, qoidalar, nazariyalar, qonunlar va ular orasidagi umumiy bog'lanishni ifodalovchi qonuniyatlarni tushuntirishga samarali xizmat qiladi. Modulli ta'limda pedagog tinglovchining o'zlashtirish jarayonini tashkil etadi, boshqaradi, maslahat beradi, tekshiradi. Talaba esa, yo'naltirilgan obyekt tomon mustaqil ta'lim olishga qaratiladi [4]. Akademik kredit tizimi esa, talabaning oliy o'quv yurtida samarali bilim olishini aniqlab beradigan standartlashtirilgan baholash tizimidir. Kredit – talaba tomonidan tegishli o'quv ishlarini bajarishga ketadigan vaqt (soatlar) dan tashkil topadi. Har bir modul mustaqil kredit hisobiga ega. Oliy ta'lim muassasasi kredit tarkibi, har bir modul bo'yicha kreditlar soni, shuningdek, har bir kursni va umuman o'qish davrini tamomlash uchun talaba tomonidan to'planishi lozim bo'lgan kreditlarning umumiy sonini mustaqil belgilaydi. Akademik kredit tizimining o'ziga xos tomonlaridan yana biri, xalqaro umumta'lim standartlariga mos kelishi va ta'lim to'g'risidagi hujjatlarni qabul qilish muammolari, jahon tendentsiyalarini hisobga olgan universal ta'lim dasturlarini mutanosibligidir. Talabalarda xorijiy davlatlar universitet ta'lim darajasiga erkin kirish imkoniyatlari vujudga keladi, bakalavr va magistratura bitiruvchilarini barcha davlatda ishga joylashish huquqlari paydo bo'ladi [5].

FOYDALANILGAN ADABIYOTLAR



1. Ўзбекистон Республикаси Президенти Шавкат Мирзиёевнинг Олий таълимдаги устувор вазифаларга бағишланган видео селектор йиғилиши баёни. 2021 йил 16-июнь. (<https://president.uz/uz/lists/view/4424>)
2. Ўзбекистон Республикаси Президенти Шавкат Мирзиёевнинг Олий Мажлисга Мурожаатномаси. 2020 йил 29-декабрь.
3. Ўзбекистон Республикаси Президенти Шавкат Миромонович Мирзиёевнинг Олий Мажлисга Мурожаатномаси. 2020 йил 24 январь.
4. Мирзиёев Ш.М. Буюк келажагимизни мард ва олижаноб халқимиз билан бирга кураимиз. Тошкент: Ўзбекистон. НМИУ. 2017 й.
5. Мирзиёев Ш.М. Танқидий таҳлил, қатъий тартиб-интизом ва шахсий жавобгарлик-хар бир раҳбар фаолиятининг кундалик қондаси бўлиши керак. Тошкент: Ўзбекистон. НМИУ. 2017 й.

REZYUME: Kredit-modul sistemasın engiziwdiń jańa sharayatlarında professor - oqıtıwshılardıń roli sezilerli dárejede ózgeredi Pedagoglardıń kóp qırlı wazıypaları bir-birinen ádewir parıq etedi hám ózgeshe islew metodların talap etedi.

РЕЗЮМЕ: Роль профессоров-преподавателей существенно изменилась в условиях введения кредитно-модульной системы.

RESUME: The role of professors-educators has significantly changed in the context of the introduction of the credit-module system.